


Cuadra special di Juancho Irausquin devela na Radisson Aruba Resort



ORANJESTAD (AAN): Dialuna atardi durante un ceremonia special na Radisson Aruba Resort & Casino, a devela un cuadro special en conexion cu e di 100 Aña di natalicio di Juancho Irausquin.

Si e tabata na bida, Diabierna awor e lo a cumpli

100 aña.

Esaki a socede den lobby di e Resort, cu tabata cuadro cu e vision di e gran estadista Irausquin, kende a percura pa Aruba haya su prome hotel pa asina habri porta pa turismo. E prome number di e Hotel tabata "Le Grand Dame".

Monica Arends-Kock di Partido Patriotico di Aruba a haya e honor pa devela e cuadro aki, y el a worde yuda pa Jeff Lesker, kende ta gerente general di Radisson Aruba Resort & Casino.

Un cuadro hopi bunita mes, unda por mira un retrato di Juancho Irausquin, y den background e Hotel cu awendia ta Radisson. Awor cu yen orguyo e ta colga na muraya den lobby.

Ademas di esaki, un cuadro special conmemorativo di 100 aña, a worde otorga na Myrna Jansen-Feliciana di Aruba Tourism Authority. Tambe un cuadro similar a bay pa Dyane Vis-Escalona, kende a representa AHATA.



Presente na e acto oficial Aruba. Despues di esaki a sigui un recepcion na Mira Solo Bar.